



da je neki čovjek upitao Vjerovjesnika, sallallahu 'alejhi ve sellem, o Sudnjem danu govoreći: "Kada će nastupiti Čas?"

Od Enesa, radijallahu anhu, se prenosi da je neki čovjek upitao Vjerovjesnika, sallallahu 'alejhi ve sellem, o Sudnjem danu govoreći: "Kada će nastupiti Čas?" "A šta si pripremio za njega?", upita ga (Poslanik, sallallahu 'alejhi ve sellem). "Ništa", odgovori ovaj, "osim što volim Allaha i Njegova Poslanika, sallallahu alejhi ve sellem." "Bit ćeš s onim koga voliš!", reče (mu Poslanik, sallallahu alejhi ve sellem). "Ničemu se nismo obradovali kao Vjerovjesnikovim, sallallahu 'alejhi ve sellem, riječima: 'Bit ćeš s onim koga voliš!'", kaže Enes i nastavlja: "Ja volim Vjerovjesnika, sallallahu 'alejhi ve sellem, Ebu Bekra i Omera, te se nadam da ću zbog svoje ljubavi prema njima biti u njihovom društvu, iako nemam djela kao što ih oni imaju."

[صحيح] [متفق عليه]

Neki nomad je upitao Allahovog Poslanika, sallallahu alejhi ve sellem, o tome kada će nastupiti Sudnji dan. Poslanik, sallallahu 'alejhi ve sellem, mu reče: "A šta si od dobrih djela pripremio za njega?" Čovjek odgovori: "Nisam neka velika dobra djela pripremio izuzev što volim Allaha i Njegovog Poslanika." On, dakle, ni jedno drugo dobro djelo koje se radi srcem, tijelom ili imetkom, nije spomenuo budući da sva djela proizilaze iz iskrene ljubavi koja se nalazi u srcu. Poslanik, sallallahu alejhi ve sellem, mu uzvрати: "Bićeš u Džennetu sa onim koga voliš." Ashabi Allahovog Poslanika, sallallahu alejhi ve sellem, se jako obradovaše kada su to čuli. Nakon toga, Enes nas izvještava da on voli Allahovog Poslanika, Ebu Bekra i Omera, te da se nada da će biti sa njima iako nema djela kakva oni imaju.

<https://sunnah.global/hadeeth/bs/show/3087>

